

**“Olmaliq KMK” AJning
“Yoshlik I” konini o‘zlashtirish” loyihaci to‘g‘risida
MA’LUMOTNOMA**

01.07.2024ü.

O‘zbekiston Respublikasi Prezidentining 2017-yil 1 martdagi PQ-2807-son, 2020-yil 26 maydagi PQ-4731-son qarorlari va 2021-yil 10 sentyabrdagi F-5691-son Farmoyishi hamda Vazirlar Mahkamasining 2020-yil 26 maydagi 267-F-son Farmoyishi va tegishli qarorlariga muvofiq “Olmaliq KMK” AJ konlari negizida rangli va qimmatbaho metallar ishlab chiqarishni kengaytirish” bo‘yicha bosqichma-bosqich (“Yoshlik I” konini o‘zlashtirish”) investitsiya loyihasi (*keyingi o‘rinlarda - Loyiha*) amalga oshirilmoqda.

Bugungi kunga qadar “Yoshlik I” konini o‘zlashtirish” investitsiya loyihasi doirasida jami 3197.0 mln. dollar, shu jumladan joriy yil yanvar-iyun oyida 675,5 mln. dollar mablag‘lar o‘zlashtirildi hamda yil yakuniga qadar jami 1 179,0 mln. dollar o‘zlashtirilishi kutilmoqda.

Ma’lumot uchun: Loyihaning I bosqichi amalga oshirilishi natijasida yiliga 65,0 mln. tonna ma’dan qazib olinadigan kon (1,44 mlrd. doll), 60,0 mln. tonna ma’danni qayta ishlovchi 3-Mis boyitish fabrikasi (2 mlrd. doll) va fabrika infratuzilmasi (1 mlrd. doll) hamda 650 Megavatt quvvatga ega tashqi elektr ta’minoti (170 mln. doll) quriladi.

1. 3-MBFni qurish.

3-MBFni “Tayyor holda topshirish” sharti bilan qurish ishlari “Olmaliq KMK” AJ bilan “Uralmashzavod” OAJ va “Enter Engineering” konsortsiumi tomonidan amalga oshirilmoqda.

Loyihalash ishlariga “Wood”, qurilishda texnik nazoratni amalga oshirishga “Worley Parsons” xorijiy kompaniyalari jalb qilingan.

Qurilish maydonida 19,9 mln. m³ (95 %) tuproq ishlari, 688,4 ming m³ (90 %) beton ishlari, 99,4 ming tonna (95 %) armaturalash, 19,0 ming tonna (53 %) texnologik uskuna va 31,4 ming tonna (54 %) metall konstruksiya montaj qilindi.

3-MBF qurilishi loyihasi doirasida qurilish-montaj ishlari jami - 58 %ga bajarilgan bo‘lib, qurilishi maydoniga jami 8 568 ta ishchi xodim (yordamchi xodimlar va metall konstruksiyalarni tayyorlash uchastkasi ishchilari hisobga olinmaganda) va 820 ta maxsus texnika jalb qilindi.

1.1. Asosiy texnologik uskunalarni yetkazib berish.

Yirik maydalangan ma’dan ombori (CKDR) URALKRAN”ning 35 to‘plam elektr qo‘l kranlari, “ASPEX”ning (Rossiya) 2 to‘plam havo tortish tizimi, “AUMUND”ning 16 to‘plam, “PTM”ning 2 to‘plam tasmali konveyeri hamda “WEIR”ning 8 dona drenaj nasosi yetkazildi.

O‘rta holda maydalash binosi (KSD) uchun “Uralmashzavod”ning 8 ta KSD 3000/1500 rusumli konusli maydalagichi, “URALKRAN”ning 2 to‘plam ko‘prikli elektr krani, “ASPEX”ning 8 to‘plam havo tortish tizimi hamda

“WEIR”ning 6 dona drenaj nasosi, “PTM”ning tasmali konveyerlar uchun 8 to‘plam, “URALKRAN”ning 9 to‘plam elektr qo‘l kranlari, “AUMUND”ning 16 to‘plam tasmali ta‘minlagichlari yetkazib berildi.

O‘rta holda g‘alvirlash binosi (*KSG*) uchun “Pnev mash”ning 8 ta tebranuvchi g‘alviri, “ASPEX”ning 4 to‘plam havo tortish tizimi, “PTM”ning 16 to‘plam tasmali konveyeri, “BMX RUS”ning 4 to‘plam aravachali yuk tushirish konveyeri hamda “WEIR”ning 5 dona drenaj nasosi yetkazildi, “URALKRAN”ning 25 to‘plam elektr tallari, “AUMUND”ning 16 to‘plam tasmali ta‘minlagichlari yetkazib berildi.

Kichik holda g‘alvirlash binosi (*KMD*) uchun “URALKRAN”ning 2 to‘plam ko‘prikli elektr krani va 14 to‘plam elektr tallari, “PTM”ning 8 to‘plam tasmali konveyeri, “BMX RUS”ning 6 to‘plam tasmali uzatgich, “WEIR”ning 5 dona drenaj nasosi hamda “ASPEX”ning 6 to‘plam havo tortish tizimi va “THYSSENKRUPP”ning (Germaniya) 6 to‘plam HPGR yuqori bosimli rolikli presslash uskunalari yetkazildi.

Kichik holda g‘alvirlash binosi (*KMG*) uchun “Kwatani”ning (SEVER MINERALS, Janubiy Afrika) 24 ta uchlamchi g‘alviri, “URALKRAN”ning 4 to‘plam ko‘prikli elektr krani hamda 34 to‘plam elektr tallari, “PTM”ning 2 to‘plam tasmali konveyeri, “BMX RUS”ning 24 to‘plam tasmali uzatgichi va 4 to‘plam aravachali yuk tushirish konveyeri hamda “WEIR”ning 6 dona drenaj nasosi yetkazib berildi.

Ma‘dan tayyorlash binosi (*KRP*) uchun “UZTM-KARTEKS”ning 12 to‘plam sharli tegirmoni (*MSHTS*) va tegirmon futerovkasi yetkazib berilishi davom etmoqda, “Kwatani”ning (SEVER MINERALS, Janubiy Afrika) 47 ta gravitatsiyali himoya g‘alviri, “URALKRAN”ning 4 to‘plam ko‘prikli krani va 72 to‘plam elektr krani hamda “WEIR”ning 24 dona drenaj nasoslari va 12 to‘plam gidrosikloni, 16 to‘plam «INTERTECH» (Serbiya) tegirmonlari uchun gravitatsiyali konsentrator yetkazib berildi.

Shuningdek, sharli tegirmon uchun “CEMTEC”ning (Avstriya) 12 to‘plam gidrostatik podshipniklari, “CEMTEC”ning (Germaniya) 12 to‘plam tishli tojlari, “ABB Switzerland Ltd”ning 25 to‘plam tegirmon dvigateli va 12 to‘plam chilleri, “NAIPU”ning (Xitoy) 12 ta tegirmon uchun silindrik butaralari, “DALIAN LEVVIE”ning (Xitoy) 12 to‘plam avtomatik shar yuklagichi hamda “GEARS MINING”ning (Avstraliya) 2 to‘plam qobiq (futerovka) almashtirish mashinasi va 3 to‘plam boltlarni chiqarib tashlash bolg‘asi yetkazildi.

Mis-molibden konsentratini quyultirish uchastkasi uchun “Metso:Outotec”ning (Avstriya) quyultirgichlar uchun barcha 6 to‘plam vertikal tegirmon, barcha 2 to‘plam filtr (Mo), “Metso:Outotec”ning (Finlyandiya) 5 to‘plam filtr (Su), quyultirgichlar uchun 6 dona 17 metrli, 2 dona 28 metrli, “Metso:Outotec”ning (Xitoy) 1 dona 5 metrli sig‘imlar, “Metso:Outotec”ning (Evropa) barcha quyulashtiruvchilariga asosiy uskunalari yetkazib berildi.

Bosh flotatsiya binosi uchun “Metso: Outotec”ning (Xitoy) 2, 3, 4, 5 va 6-flotatsiya liniyalari yetkazib berildi, shuningdek, qolgan 1 ta flotatsiya liniyasi yetkazilmoqda, “Metso: Outotec”ning (Evropa) barcha 6 ta flotatsiya liniyalariga asosiy uskunalari yetkazib berildi.

1, 2, 3 - son pasaytiruvchi nimstantsiyalar (GPP) uchun “TEXNOKONT” (Qozog‘iston)ning asbob uskunalari yetkazilgan.

Asosiy zavod xo‘jaligi qismi uchun (OZX) “Airpol”ning (Polsha) 4 to‘plam havo siqish tizimi, “Seagull”ning (Xitoy) suv sovitish minorasining barcha 3 ta liniyasi yetkazib berildi, Ohak sutini tayyorlash zavodining 1-partiyasi yetkazib berildi, yakuniy 2-partiyasi “Yilmaz Proses Teknologijeleri” (Turkiya) tomonidan joriy yilning iyunida yetkazilishi kutilmoqda.

2. TSOT-ma‘dan obyektini qurish.

TSOT-ma‘dan qurilish maydonchasida 5,47 mln. m³ (99,6 %) tuproq ishlari, 20,0 ming tonna (88 foiz) armaturalash va 131,3 ming kub m (88 %) beton ishlari bajarildi, 1 205 ta (91 %) stav, 19,0 ming ta (88 %) tayanch rolklari va 10,4 ming m (59 %) konveyer tasmasi o‘rnatilgan bo‘lib, 258 ta ishchi xodim va 12 ta maxsus texnikalar jalb qilingan.

TSOT-ma‘dan qurilishi loyihasi doirasida qurilish-montaj ishlari jami - 68 foizga bajarilgan.

2.1. Asosiy texnologik uskunalarni yetkazib berish.

3 dona “Uralmashzavod” (Rossiya) KKD 1500x200 rusumli birlamchi maydalagichi, 6 to‘plam “AUMUND” (Germaniya) plastinali ta‘minlagich qurilish maydonchasiga yetkazib berildi, 2 to‘plam “THYSSENKRUPP” (Germaniya) magistral va 3 to‘plam yuk ag‘daruvchi konveyerlari uchun asosiy butlovchi qismlarni yetkazib berish qisman yakunlandi. Shuningdek, “URALKRAN”ning (Rossiya) 6 ta ko‘priki krani va 27 ta elektr tallari, “Technopark Impuls”ning (Rossiya) 2 to‘plam g‘idravlik bolg‘ali manipulyator qurilmasi, “PF ASK”ning (Rossiya) 2 dona konsolli krani hamda “ASPEX”ning (Rossiya) 3 to‘plam chang tozalash tizimi, CHKZning (Rossiya) 3 to‘plam havo siqish tizimi, “WEIR”ning (Turkiya) 5 to‘plam drenaj nasoslari, “TEXNOKONT”ning (Qozog‘iston) 1 to‘plam 35/10kV nimstantsiyasi, “EIM injiniring”ning (Rossiya) 3 to‘plam qabul qilish bunkerining chang bostirish tizimi, “VENKON”ning (Rossiya) 3 to‘plam havo aylantirish tizimi yetkazib berildi.

3. 3-MBF infratuzilma obyektlarini qurish.

Qoldiqlarni saqlash xo‘jaligida to‘g‘on poydevorini qurish bo‘yicha 15,3 mln. m³ (23 %) (shundan 7,1 mln. m³ to‘g‘on qurilishi bo‘yicha) tuproq ishlari bajarildi va 3,2 ming m (11 foiz) quvur yotqizildi. Mazkur ishlarga 211 ta ishchi xodim va 275 ta maxsus texnika jalb qilingan.

Tashqi suv ta‘minoti (23,5 ming kub m/soat) obyektlari bo‘yicha “Qoraxitoy” yer osti suv havzasida 74,7 km (61 %) suv quvurlari yotqizildi, shuningdek, 120 ta (100 %) quduq burg‘ulash ishlari, 1,39 mln m³ (76 %) tuproq ishlari, 2,8 ming tonna (82 %)

armaturalash, 14,3 ming m³ (66 %) beton ishlari bajarildi. Ushbu ishlarga 212 ta ishchi xodim va 45 ta maxsus texnika jalb qilindi.

Hozirgi kunda, 3-MBF va uning infratuzilma obyektlari qurilishiga jami 9 249 ta ishchi xodim (*yordamchi xodimlar va metall konstruksiyalarni tayyorlash uchastkasi ishchilari hisobga olinmaganda*) va 1 152 ta maxsus texnika jalb qilingan.

4. “Yoshlik I” konida karerni qurish va uning ishlab chiqarish infratuzilmasini barpo etish.

Karerni qurish bo‘yicha loyiha boshidan:

192,6 mln. m³ (yil boshidan 18,6 mln. m³) kon yuzasini ochish ishlari bajarildi (*ishlar 2 smenada tashkil etilib, 1 743 nafar ishchi-xodimlar va 400 ta texnika ishlamoqda*) hamda 41,2 km temir yo‘llar yotqizildi;

599 ta (*456,4 mln. dollar*) kon texnikasi (*54 ta 130 tonnalik, 29 ta 220 tonnalik BelAZ va 2 dona NMT-240 TEREX-KRANTAS 220 tonnalik samosvallari, 33 ta ekskavator, 23 ta burg‘ilash uskunasi, 12 ta aralashtirish-zaryadlash mashinalari*) 254 ta temir yo‘l texnikasi (*1 ta elektrovoz, 5 ta teplovoz, 212 ta dumpkar, 7 ta yo‘l qurish texnikasi*) shuningdek 192 ta yordamchi texnika) xarid qilindi;

yiliga 20 mln. m³ bo‘sh tog‘ jismlarini tashuvchi TSikli oqim texnologiyasini (“TSPT-poroda”) qurish uchun 5.9 mln m³dan ortiq yer ishlari amalga oshirildi.